

痰亭山人周石君傳

痰存山人周石君傳

周氏贛籍。金谿縣望族。明初遠祖達六公宦滇。愛葉榆山水遂家焉。原姓范。六傳至際文公。贅於周。始從周。卓行慕西公生子四。公其最幼也。名宗麟。號瑞章。字香石。一字石君。晚號痰存山人。賦性介直。素有書癖。卷不釋手。年二十入邑庠。繇是而廩餼。而優行。而舉於鄉。文譽颯馳。兼涉獵西書。動窺潭輿。生平有士行六事。公生長儒門。習澹泊爲常。自奉菲薄。每膳值庖廚以竝饌進。必撤一衣履清潔。居則著陳舊。其新者。出則著。歸則卸。愛之護之。多三四十年物。嘗集同志設布衣會。訂改良風俗規約四十則。是崇儉。清廷右文。公善帖括。恃膏火爲饗。迨服務梓桑。歷膺中高學校校長教員。縣監征員。城自治總董議長。經費局主任。迤西自治機關部參事等職。非薪金弗受。歲有羨餘必入公。平昔疾貪墨如仇讎。郡守秦恩述縣令阮大定胡懋芬。參將舒淩阿。皆強幹善歛。且盜名。公彈章絡繹。官吏憚之。是尙廉。大理幅幘狹隘。賦重爲州邑最。民苦苛捐久矣。公抗議熟田加糧。並田賦浮收。屢上書疆吏。邀准減征。歲計數萬金。總大理中學校教務。審計度支。悉出縣產。不應謬認。郡有與六屬訟不得直。長耿耿於懷。先後籌辦男女學四校。倡種桑。清積穀。籌平糶。整頓公租。設種痘局。創閱報社。天足會。修治道路橋梁。取銷水上警察。成立太平春社。是愛鄉。辛亥光復。榆標陸軍奉密檄。伺官民向背。定計佈兵街巷。持槍待命。立若植鰭。郡縣官僚。聯綠防戴。滇督李經羲。召議戒備。意假民意爲嚆矢。敗則官颺去。棄民供犧牲以代死。公謠知革命成功。當

在此日。建白立持正義。復集紳謁協統曲同豐表同意。遂不兵。越年駐榆步兵叛亂。蜂擁四出劫殺。文武官吏咸逃。公冒險出而與其曾交涉。地方得按堵免禍。是應變。公持身處世。不與俗苟同。作文不爲諛詞。破除舊社會迷信。非公事不入公門。生平持八不主義。不煙。不博。不捧官。不鬧闊。不信神鬼。不隨波逐流。不撐官架子。不與小人爲緣。故不嗜好其首。病劇。戚舊以阿芙蓉進。公曰。自持弗竟志。毋寧死。是守正。二親早逝。公以小弱弟隨諸兄後。孜孜嗜學。諸生時一氈坐困。皋比課徒。春榜屢不第。館京師。客嶺海。終不得志於時。嗣就教職。旋辭去。決意老牖下。越六十衰病交加。視歸息爲形骸所必至。撰祈死篇。更自爲壽藏。作生壙記。是達觀之六行揭櫟大端。不及瑣屑。箬疋存集文存二卷。續編一卷。大理縣鄉土志一卷。孔門學說二卷。雜箸十三卷。與邦人士同纂大理縣志三十二卷。均付刊。時春秋六十有六。子五。偉。俊。保。俛。倬。俱循謹能繼志。趙舒怡曰。教化陵夷。風俗頹敗。至今日極矣。吾師疋存山人。崇尚氣節。一言一動。皆足以風後世。卒落落不合於時。益見行誼之高。非時流所能煩頡。老年仿趙岐故事。自爲壽藏。告其後以彌留三日而葬。則又山人一生垂暮型俗之特行。其伯兄宗洛。叔兄宗瑩。俱負耆望。然難爲兄矣。人有不爲而後可以有爲。子輿氏爲是言。程氏申其義。天下後世罔不執是以爲觀人矩則。振去親爲客垂三十年。足迹殆徧國中。綜所聞見。猶與狂恆倚於一偏。豈智者不必有仁。仁者不必有勇耶。同里疋存山人。卽琇章業師季弟。清癸卯會試同年。周子厚堂叔父。又爲振辛卯鄉試同年。公生平行誼。不隨。不矜。不求。學優品峻。內行粹然。已知之矣。燕秦羈旅以還。鄉音日疏。客歲夏修墓歸里。於地方利病。未敢忘心。

若辛卯九月光復之役。若癸丑十月步兵之變。如不能當機而斷。奚弭大憂。熟田之加糧。田賦之浮征。障川東之伊誰之賴。餘若籌平糶。教桑蠶。創痘局。建學校。設報社。修治橋梁道路。矯正習慣風俗。事功種種。難以盡舉。凡足以利井里。維道義者。山人皆不惜一身抗權要。叢怨謗。排浮議。捐金錢。竭蹶孤往。至智盡能索而後已。閒嘗以爲不取者不與。獨善者不兼善。不圖山人能爲劍公前輩之續。博愛亨屯。使羣有咸拜其賜。不獨以氣節文章見。是非備智仁勇三達德。決擇於可爲不可爲。充其不忍人之心。赴以百折不撓之力。歷久而不敝者。而能若是乎。其爲異己所泥。不竟其志之大者。以吾邑磽瘠土地。獨科以最重賦額。以吾邑獨有貲產。攫而公之各邑。以吾邑逃死未歸良民之田宅混爲叛產。一任各方戰士強取不顧。斯尤數百年切膚深痛。山人獨見其大。奔走呼籲。力爭弗獲。悠悠來今。猶有有心者俟時而起。以回崦嵫之晷景乎。夫百年一瞬。生也有涯。我輩不能逢辰遇順。經緯乎宙合。亦當求有造於桑梓。勿虛生此艱貞蒙難之身。如山人者。安得數見之。竊喜其年雖老於血氣未衰。言雖激而仍未嘗忽然忘情於人間世也。欲知山人爲人之詳。試讀其所著荻存齋集十九卷。中華民國十四年二月李玉振甫稿

先生以名孝廉。出任廣文。成績特殊。歸隱亦最早。洵所謂不爲五斗折腰者。及其歸教鄉人也。言坊行表。以身作則。幾合中西大儒爲一轍。對於地方。務欲正風俗。破迷信。開通民智。擴張實業教育。有時匪但不受薪貲。且慨解私囊以爲之倡。深諳民治原則。視害民官吏如仇讎。言人所不敢言。行人所不能行。利必興。害必除。迄今有並受其福者。有因寡助而未達目的者。若公者可謂不負吾邑。且哲嗣挺生。賢女輩出。

有子克家。後先輝映。亦不負我太老師慕西公焉。後學陳文政佐軒謹識

家公生平行誼。既承趙和壩李佩珂陳佐軒三先生揭櫫大端。茲不嫌詞費。謹就偉等夙所聞見。次第質直述之。公爲先祖慕西公先祖妣楊太夫人季子。生稟正直不阿之遺傳。幼受嚴慈兩方之善教。雖窮而未達。未克展其志願。而其生平志節學問事功。洵有卓卓可爲後人矜式者。公束髮受書。仰承母訓。服食起居。皆有法度。四子書毛詩畢。始就外傳。幼多疾。然夙好在書。昕夕不廢。時遭回變。困苦顛連。備嘗之矣。二十歲入邑庠。二十五歲補廩膳生員。並舉優行。三十二歲鄉試中式舉人。四十二歲選授陸涼州學正。四十四歲辭職歸里。四十五歲舉爲創設縣立高等小學校副辦。四十六歲任大理中學校正教員。四十九歲任縣立高等小學校校長。五十一歲地方自治成立。被選爲城自治董事會總董。兼縣自治經費局委員。五十二歲大理光復。迤西自治機關部被選爲參事。五十三歲被選爲城自治議事會議長。兼監征員。縣自治委員。五十六歲因歷年辛勞。心力並瘁。衰病交侵。乃將所有職務脫卸家居。然遇地方利害關係。往往破除情面。出而救正。蓋由愛鄉情切。至老猶未已也。今綜其實事。分晰述之。末世氣節。掃地以盡。人人方以澆忍唯阿。爲希寵梯榮之具。滿清時代。歷任地方長官。凡遇士子之有學問才具者。靡不虛心延攬。公則落落寡合。課期一面外。縱如何殷勤招致。俱婉謝之。及至出仕。嘗以教職清高。不嫌小就。迨身親其境。雖直道而行。不稍假借。然日覩寅僚之齷齪不堪。羞與爲伍。旋即辭歸。家居以來。因地方任務關係。時與當道接洽。利害所在。侃侃力爭。不迎合。不曲從。非公事不入其室。數十年有如一。日。嘗曰。人以見

官爲榮。我以見官爲恥。且其人不主義。

不烟不博不捧官架子不闊不信神鬼隨波逐流不擇官架子不與小人爲緣

其三卽不捧官。胡子輝君

嘗曰。世人多畏強侮弱。公每反是。其天性然也。其植節不撓有如此者。滿清時代。人豔科名。槍替賄求。

恬不爲怪。清光緒癸未歲試。親友間有謂公之伯兄劍公業經補廩。考列一等。且須覆試。徒勞而已。何如

與乃弟換卷。成就其名。極爲慫恿。伯兄心動。入場言換卷事。公執不肯。後對人曰。卽以附生終身。乃我本

事得來。是馨香的。甲申科試考列一等第一名補廩。僅遲一年耳。人情重利。習以爲常。壬辰駐京。甫就張

氏教讀之聘。而河南河道桂香雨先生聘書又至。敦促就道。且修脯數倍於此。爾時公一寒士耳。以常人

測之。未有不棄此就彼者。公則曰。旣允就張館矣。安可悔耶。辛亥光復。政黨紛立。朋儕有邀入者。嗣見黨

中人假公濟私。爭權奪利。所謂黨綱黨義。直標榜耳。當卽謝絕。爲一超然派焉。選舉事興。弊竇尙少。繼則

價買價賣。甘同羊豕。人格墮落。醜不堪言。公自袁逆參政院議員選舉始。旣不希望被選。卽自己選舉權

亦放棄之。不聞問矣。生平最惡煙賭。立有家規。所有煙具賭具不許入門。丙戌年病劇。百藥無效。至戚趙

某以試吸數口勸。公則曰。吾寧死不吸也。

不惟鴉煙其他水旱紙捲皆不入口

當日雲土最重。會試舉人莫不販煙牟利。公

則分釐不帶。嘗曰。吾寧隨事撙節。決不貪小利以害人也。二年間鄉區楊某趙某因伙官害民。不遂所欲。

遂牽率各鄉自治人員。蒙訴公罪案七條。迨省署批迴查辦。復經知事黃彝委任原告查議。公始知之。當

卽具詞。言所控雖不知是何情實。然古詩有曰。得失寸心知。自己平素爲人。確能自信。要可斷其憑空飛

誣。不值一噓。惟委任原告查議。古今中外無此辦法。務請知事親傳裁判。並飭兩造先行各具實究虛坐

研頭切實甘結。並傳城鄉各界齊集法庭聽判。迨新知事蘇桂芬到任。開庭裁判。果不出所料。件件虛誣。此案情實詳然非自信有素。安敢若此。任自治經費委員數年。不知以爲攬總地方財政。當有若干利益。

其實錢穀一切。俱由同事委員趙攀雲君及會計楊昕李國祥經管。即用錙銖薪水。皆向領取。公亦樂於自潔其身。惟分任文牘及交涉事件。局中偶有應得餘利。如爲公所知。皆令悉數歸公。不許各自分潤。有皆

賑册可以指實不知者即被暗行朋分矣故其辭職致縣公署詞云。多年辦公。除應得薪金外。如有分釐非義入己。甘願萬倍

賠償。不啻自行招告矣。其持躬不苟有如此者。地方風俗。競尙奢華。富者作俑。貧者效尤。蕩產傾家。層見

疊出。公約同志議定規約。滿清民國兩次改良。無如人類不齊。旋被破壞。不得已祇有獨行其志。人家子

女。無論多寡。三朝滿歲。大宴親賓。公則除長男長女外。不設一席。人家婚嫁。踵事增華。無不盛誇筵宴數

十百桌。迎街擡槃數十百架。官銜牌若干對。德政徽若干柄。其他儀節。靡不稱是。公則男娶女嫁。一切浮

文。取銷殆盡。所有奩具。概入箱笥。束召族親。寥寥數席而已。人家喪事。棺殮塚墓。皆在所輕。所昕夕皇皇

竭力以營辦者。展奠日如何設備。出殯日如何鋪張耳。公則大反乎是。前歲偉等嫡母之喪。棺殮塚墓。盡

力籌備。其他浮文。概行禁止。節省多金。移爲補助城立兩女校及建橋之用。人家生日。有三十四十竟行

稱觴者。若五六十則更爲多數。年年作聲去生。習爲故事。公今六十餘矣。外賓未嘗設過一筵。平素儉約自

奉。每餐如以並饌進。必撤其一。衣服雖尙整潔。然居家則著陳舊。其新者出則衣歸則卸。愛之護之。多係

三四十年物也。嘗謂衣食住三者。無一不勝前人。已覺過分。若再求精求多。於心何忍。又謂不與家人婦

子計怨望。不與地方豪富鬪奢華。我行我素。任人非笑。黎明卽起。讀書閱報。寫字灌花。及作種種雜務。至老不倦。雖病弗休。嘗謂古稱陶侃運甕。蓋因士行在廣州官署。無勞動之事。可作。若處家中。應作之事。如甕類者。比比皆是。特人不肯效之耳。又謂日有晝夜。人若學古日出而作。此一日之間。卽在冬令。當作多事。儘可日入而息。無需燈燭。且晝間作事之便。較燈燭百倍。今之人。乃日午方起。夜闌未休。豈不怪哉。其勤儉自勵。有如此者。吾國專制日久。人多奴性。且虛榮心勝。皆以官爲最所豔羨之目的物。今雖共和。不惟不稍革。且從而加甚。公稟性嚴正。凡遇弄權虐民之官。如滿清知縣阮大定。胡懋芬。參將舒淩阿。民國知事秦恩述等。雖有地方劣衿劣生。通同舞弊。爲之迴護。爲之保障。則無不破除情面而摧抑之。凡遇卑瑣齷齪之子。博得一官半職。卽自增飾頭銜。以圖出入衙門。誇耀鄉里者。則無不指示迷途而面折之。嘗謂民國通例。無論何等人員。在職不過公僕。卸職卽係平民。矧爲清時腐敗功名耶。此由於大家腦海中。虛榮二字。未能湔除。民爲貴三字。從不認識之故。又謂肩挑背磨。自食其力。世俗每賤視之。不知此等人。勝過假官派者十倍。丁巳五十九初度。日感賦詩。其四章曰。有子望爲官。蘊毒數千載。禍國復禍家。至今猶未改。重農~~抑~~工商。西哲示程楷。實業振家聲。諸兒勸毋怠。可以窺其志矣。其平等務實。有如此者。迷信鬼神。拘牽禁忌。不惟庸夫俗子爲然。卽號稱明理士夫。果能破除淨盡者。究有幾人。公則掃蕩一切。在清時致書李鴻章。經義有曰。在昔民智未開。科學未明。凡宙合間。驚耳炫目之端。靡不指爲神怪。上之人。因民之所畏而畏之。所謂神道設教也。不知太虛之中。所稱蒼蒼者。天。空氣耳。神於何有。地球一行星耳。日

月南北斗牽牛織女文昌魁宿等。亦恆星與行星耳。他若雷電風雨山川城隍水火土木門竈等。乃地文地質及製造物。供人需用者耳。神於何有。又謂華人之多忌諱。自媚神之心理而推衍之。不知世界之有歲月日時。地球之轉旋也。歲月日時之有干支。中國人爲之符號也。夫地球之轉旋。何殊於汽輪之轉旋。如謂汽輪此轉爲吉。彼轉爲凶。雖三尺童子。誰其信之。矧全球陸國。中地僅居十三之一。如謂禁忌爲可憑。當普全球而一例。何彼數十國則海闊天空。凶邪不敢侵犯。而惟此亞洲東偏之地。則人人束縛。事事拘攣。華人無辜。甘受此無形之桎梏乎。故公家庭。惟祀祖耳。嘗撰聯語曰。世有何神。破除迷信。人本乎祖。永言孝思。且公之自信力實有不可及者。十年一月次女殤亡。人言是日重喪不可入殮。公弗聽之。未三十日。偉等嫡母旋逝。是日亦稱犯重喪。人言前言驗矣。一爲甚。可再乎。公仍弗聽。乃於今五年。一家安吉。可見前者會逢其適耳。然非自信力堅強。焉有不爲所搖奪耶。其迷信破除有如此者。雖然此特述公之私德也。至其公德。當覲縷陳之。公愛鄉愛國。其情最摯。少壯志在功名。不干時務。嗣見世變日亟。羣智昏昏。有非個人可得獨善者。雖手無斧柯。奈龜山何。然興利除害。從吾鄉小小社會作起。未始不可。於是見夫地方蠶業之未興也。乃刺取古今成法。輯爲栽桑六則。養蠶十四則。名曰桑蠶易知。刊布數千冊以開風氣。又見夫地方纏足弊俗之宜革也。公乃約會同志。設立太和天足會。手撰緣起。并訂規約。且令家中婦女已纏者釋放。未纏者天足以爲之倡。二十年來。吾鄉天足風氣大開。端在於此。又見夫地方孩兒天痘之危險也。爾時民智閉塞。點種牛痘一事。人多不識其益。公乃首捐多金以爲之倡。設一牛痘局。隨到

隨種。富者略受酬貲。貧者分釐不取。日後風氣漸開。習此業者不少。始行停辦。又見夫地方教育之宜端也。當清光緒間。在陸良教官任。時科舉未停。新學未興。公手訂陸邑學約。一正心。二慎習。三體教。四博學。五操身。六學文。嗣歸里辦學。仍本此意教授諸生。皆於一切時弊痛下鍼砭。又見夫地方學校建設之宜亟也。公於是與同人就林文忠祠設縣立高級小學校一所。市立女高級小學校師範傳習所一所。市立東區女初級小學校一所。縣立第四區高級小學校一所。又見夫地方民智之未開也。清宣統二年公被選爲城自治總董。乃捐此總董全數薪金。向上海成都滇省訂購各種報章。並製備几凳。創設榆城閱報社。數年後復籌有的款。用垂久遠。又見夫地方貧民望糶之孔亟也。中華民國七年。米價陡漲。黎民苦飢。積穀之存鄉區者。初爲各鄉倉正違章不放。既又作種種情弊。公見事勢孔亟。倡由城區捐貲平糶。官紳暨各機關共捐千金。又借公款二千。向各屬購米濟急。貧民始不乏食。十一年米價更昂。復捐多金以濟貧民。又見夫地方春醮之宜改良也。城區每逢夏曆二月十三四五等日。作春醮會。佛事道場。裝神弄鬼。喧闐街巷。實爲野蠻。公在總董任時。議改爲太平春社。禁止佛道一切。率以賽花競藝。及陳列各種美術品。學校成績品。立異日實業展覽會基礎。又見夫地方積穀之宜整頓也。大理積穀。因舊區域。每區一倉。共爲七倉。自辦自治。鄉六區併爲三區。與城區共爲四區。而城區僅得七分之一而且不足。每至平糶期間。向章由鄉區提取。茲鄉區積穀。既各據爲己有。舊章抗而不遵。文催殊爲無效。勢處萬不得已。公倡議新區既改爲四。積穀亦宜四分貯之。乃擬訂章程。呈准定案。此後各區辦理各區平糶事宜。庶免偏枯而

省交涉。又見夫地方公租之宜整頓也。往日各機關會計薪水。年僅三十六兩。然每當會計一任者。則無不飽財歸家。何也。短議穀價。及種種作弊而已。公於光緒末年在校長任內。議以會計薪水加爲六十兩。租穀則按照市價變賣。公釐歸公。不得以多報少。至何時賣穀若干。刻卽知會校中人員。時相監察以昭核實。各機關皆照此辦理。於是公家經費陡然增益。又見夫地方食鹽之宜改良也。大理食鹽。昔用雲龍白井。近喬井開煎。卽以大理一帶爲專銷之路。查喬鹽穢濁不堪。自行銷該鹽以來。邑人因此染成肺疾。以至腫脹喘咳而死者居大多數。公於八年四月。請願省會。大理一帶。縱不能此後全銷喇鹽。應請喇喬攙銷。並令喬鹽認真提淨。以裕國課而重民生。又見夫地方水警之宜取銷也。八九年間當局有水上警察之設。來往船隻。須預定掛號。按票驗人。被拘留者。被重罰者。日有所聞。因此所載貨物日用零星。靡不繼長增高。人民大受其害。公乃約同人請願省會。要求卽日取銷。以安閭閻。又見夫地方正氣之宜伸也。大理古昔。士崇氣節。泊至晚近。一般劣衿。未嘗學問。但知蠹公。故日以捧官爲保固飯盃之計。惡風所漸。習爲故常。清光緒三十年間。有參將舒淩阿者。滿洲無賴子也。與地方土棍某某舞弊營私。并藉修寺爲名。盜賣應樂峰松樹數萬株。某某得分餘潤。卽假地方名義。致送舒淩阿德政牌緞。並立德政碑以酬其惠。爾時官權甚重。地方人士。雖心以爲非。祇敢腹誹而已。公乃倡首請求該參將長官雲南提督。勒令將所收牌緞繳銷。並由南城外拔取碑石。倒置明倫堂前以昭炯戒。又見夫地方交通之多阻礙也。城南二十里南陽溪橋梁久毀。冬春則枯涸無水。夏秋則洶湧其來。不惟行者病涉。人畜且有時溺斃者。公乃捐

款以爲之倡。並與趙明君募集鉅貲。復推趙君專董其事。不數月新橋告成。行人永受其賜。又十年六月弘聖寺南橋被山洪衝毀。修建需款。公亦捐貲以助成功。又仁厚里街路亦由公獨力修治。又見夫地方風俗之宜改良也。教化陵夷。風俗頹敗。競爲奢靡。習爲故常。凡一慶弔事件發生。在富者鬪靡誇多。金錢固所弗惜。貧者亦質衣物。售田廬。苦撐門面。以爲不如是不足以爲人也者。後顧茫茫。患貽胡底。公乃約會同人。公同酌議。手訂改良風俗規約。計昏禮十三則。喪禮十二則。祝壽一則。生子一則。宴會五則。衛生八則。罰款二則。刊刻成書。頒布遵守。此滿清光緒末年事也。中華民國元年。復與同志將規約重行改訂。其不適者刪之。以期合於時宜。又見夫地方學校之宜整頓也。邇者地方教育。不惟無進步。且日見退化。當事者多溺於煙賭。對於教育。直喪盡天良。虛應故事。公不避嫌怨。出而干涉。故其規省立第二中學校長某書略曰。在學生祇須坐守四年。縱成績若何低下。自然一榜盡賜及第。在教授方面。所有應授科學。並不按各學期分配教授完全。積至畢業日期。尙未教授若干。用文明板趕印講義。頒發諸生。並不講解一句。卽爲了事。至英文一科。所講授者僅十之二三。其十之七八因爲數太多。卽講義亦不可得。又曰。吾國今日相需甚殷者人材耳。苟一校如此。校校如此。民國前途。有何希望。稍具人心。能勿痛哭。夫以吾鄉現在生活程度論之。各員薪金其數不可謂不優。以吾演財力論之。歲稟數萬金辦學。其款不可謂不鉅。以數百家父兄囑望之子弟。成敗利鈍聽之校中。其付託不可謂不重。清夜不寐時。一一思之。當必有一能一刻安者。又曰。方今救時妙法。不在多言。在政學軍警各重要人實能尊重人格。激發天良。以作人作

事而已。蓋人格天良二者爲人禽關。存之則進於人域。失之則淪於禽獸。凡今之人不可不知。握教育權者尤不可不知。又規城立女校某校長書略曰。迨足下主持校務。卽形頹敗。校中種種現象。試略舉之一。上課鐘點。每日本定有五點六點之數。今則午礮已放。猶未上課。三鐘一鳴。或未鳴。卽見放學。矧此時間之內。尙有休息三四次。除三四十分。午點一次。除三十分。則是實在上課。每日僅兩點。或一點餘鐘耳。此一兩鐘內。試問教員誰具神通。能將各種科學講授清楚。學生誰爲天授。能將各種科學領受完全。一每日上課。本有定時。教員學生務同遵守。貴校上課時間遲而且短。已如上述。而教員中尙有屢屢誤期不到。並請假竟未聞校長出而代爲擔任。亦未聞校長有所規勸。俾無再蹈。竟使彼堂學生悉行上課。此堂學生因教員未到。各處遊戲。如是者。習以爲常。一學校規模之大者。校務殷繁。校長或未暇擔任科學。否則靡有不認鐘點者。茲足下將校中所有上課鐘點。脫卸罄盡。乃於私宅設一男校。又於教會小學。史宅小學。包攬改竄國文。以故每日到校。卽攜國文若干。埋頭刪改。校中一切事務置之不理。在表面視之。校長日日到校。甚勤勞也。惜其徒具形骸。如古人所謂尸位而已。在個人計之。金錢主義多多益善。其如校務頹敗何。其如學生前途何。又城立東區女校。有某甲者。據此數年。校長教員會計。直以一身任之。學生寥寥。冊中名數多係捏造。款項則虧蝕纍纍。衆皆緘口不言。公乃約會同志出而整頓。清理款項。另任管教各員。從此校務煥然一新。兩女校經費不足。公則捐助多金。並捐助鋪房一間。此外更有四事。於合邑有最大關係者。清光緒二十八年間。署縣令阮大定。派其家丁顧郭二人。出鄉丈田。復勾結各鄉劣衿劣生。

通同舞弊。據其稟稱。通縣田畝。四月有餘。一律丈畢。熟田之內。共浮出一萬三千餘畝。藩署據此。飭令升科。地方紳民數次邀免。均被駁斥。已隱忍受之矣。公辭職歸。聞之曰。此非指控阮大定不可。且空言邀免。何濟於事。務須引證歷史。根據事實。使駁無可駁。方冀奏效。乃與公伯兄劍公商定呈詞。歷將其中情弊。痛切言之。藩署接閱。方始了然。回文乃允作罷論。以當日每石糧收銀八兩餘計之。每歲約省萬元之鉅。此一事也。吾邑田賦。經滿清貪污官吏。巧立名目。每石糧竟折銀八兩有奇。此外隨征之積穀。夫馬鐵路團費。錢一千票。錢一百。混入折征。又收銀二兩四錢。辛亥光復。公在機關部。以爲機不可失。手撰電稿。以地方全體名義。屢次電省。請免浮征。財政司駁無可駁。始覆電允許。不意電到縣署。知事秦恩述與劣衿楊某。惟是本縣所獨異。非通案之比。財政司駁無可駁。始覆電允許。不意電到縣署。知事秦恩述與劣衿楊某。趙某等。秦與密商。若輩函復有公祖所見。甚是。即請照舊征收可也。等語。猶從中舞弊。匿不發表。轉電請照舊征收。嗣公聞之。與秦大爲衝突。秦窘甚。乃請暫且照收。一年之後。承認挽回。並發誓詞爲信。明年更復詳陳軍府批准。自二年始。條

糧并征。每石共征銀幣四元四角零一釐。其隨征之夫馬團費票錢。統以銅錢七百收納。永爲定案。自是以後。田賦一項。較前減輕至鉅。此二事也。辛亥九月初九日。滇垣光復。電早至大理。郡守周安元。縣令胡懋芬。匿不發表。惟與綠防營員密調分防各營回榆。復捏李督僞電。調陸軍星夜赴援。協統曲同豐君偵悉。召周胡詰之。安元等知事洩。乃於十二日召集地方人士。到府署會議。意欲聯合地方。厚其抵抗力也。爾時府縣暨綠防營員先此坐候。地方人士到者八人。出電傳閱畢。懋芬曰。請諸君速商對此問題。從違

如何。衆默然。移時復問。公曰。現今大勢所趨。在於實行革命。光復神州。時不可失。今日之事。須與陸軍協商。吾地方人士。視陸軍同一動止而已。府縣等聞之。嘿然移時。嗣邀曲同豐迭催弗至。公復曰。彼此情志。尙未溝通。曲君未必能到。刻下危機一髮。若再游移。必至變生不測。何若官紳同往謁之。以表同情。至則曲寓戒嚴。軍隊已悉數入城。布滿街衢。入座。曲問服從與否。公叔兄琇章曰。能保民者無不樂從。曲首肯者再。卽分軍隊駐四城要衝。並商覆省電文畢。曲向衆言曰。彼此同情。真好極了。否則今日之事。不堪言矣。由是觀之。爲地方代表者。苟非具有卓識。當此變出非常。不能立斷。如一般庸庸之夫。動稱公祖所見甚是者。自必官云亦云。於是陸防交兵。地方糜爛。數萬家生命財產尙堪問也耶。此三事也。二年十月八日。三營步兵叛變。旅部縣公署警察局餉械局中學校劫掠一空。槍斃多命。文武各官咸逃無蹤。居民閉戶不出。叛兵如失巢狂蜂。布滿街巷。公思此等禍變。非出維持不可。急赴縣城兩自治公所皆不一遇。歸乃與叔兄琇章并約張蔡楊三君直赴賊巢。見其僞總司令楊某。公曰。余等此來。代表地方。要求二事。一請保持地方安寧。一各營長官死逃殆盡。全城兵士紛無統紀。延至夜間。如有一二焚掠。卽玷全體名譽。請速推各營首領。俾悉歸營房。禁止在外游行。楊某一一許諾。是夜始無事。次日。卽協同地方各機關辦理民團事宜。自植勢力。陰圖抵制。陽則未與顯然拒絕。此十五日間費盡百般苦心。乃不至決裂。糜爛地方。及事機成熟。一舉恢復。此四事也。以上所述。皆備見諸事實者。其他尙有五事。雖種種原因。未克底於有成。然皆關係地方利病甚大。當附著之。俾後之人觸目警心。得以賡續進行。並以見公之對於桑梓。其

苦心亦有不可沒者。一外六屬強霸吾邑太和中學校。蓄謀已深。始則積欠幫款。繼則額外加送學生。校中經費。因此蝕虧。累會計員楊文佐再四呈請地方長官札催。祇是罔應。無計可施。屢商之公。公以正教員任務。爾時正教員即兼校長。任務未另設。有校長。並經地方公議。謂必須起訴。推爲首名。於是通呈各署。經雲貴總督丁振

鐸批。略謂該縣中學堂。既非各屬公立。幫款亦多帶欠。自以各自籌設爲是。又謂大理中學堂。本太和書院。原有經費。係該縣一邑公款。自應作爲該縣中學堂等語。案已定矣。殊六屬不識己非。恃有金錢魔力。既賄買委員熊辰昶。復假熊賄買新督錫良文案某。借傀儡官銜。憑空枉斷七條。以太和一邑學堂暨財產攫而公之六屬。今屬爲專制國之狗官。其庸妄橫暴。竟至如是。此案發生。公於調查桂香敷文兩書院歷史暨財產根據。凡各種志乘。各處碑記。各署檔案。靡不搜求。此兩院確爲吾一邑之贗產物。本本原原。皆成鐵證。心已苦矣。更親赴省控訴。錫良雖旋醒悟。將熊辰昶藉案革職。然拘於官無悔判。訖未更正。失敗之後。見人多無鬪志。改革以來。儘可翻案。而亦無興奮之心。此恨何日消耶。二回變之役。清同治壬申地方克復。巡撫岑毓英片奏並分行迤西道府各廳州縣札文。均稱各屬叛產。概行清查。內如順寧雲州蒙化趙州太和永平賓川永北等處爲數較多。應劃爲十成。以五成給無業官勇。飭令攜家前往自行耕種。照納錢糧。以二成五分別變價租息。作爲該處昭忠祠等處修費。暨書院膏火卷金之貲。其餘二成五無論房屋田地。均由地方官督同地方公正紳耆招佃耕種。每年收獲租息。除納錢糧外。分給歷年隨征陣亡及帶傷殘廢各家屬。如有餘項。添發孤貧口糧。俟至十餘年後。該傷故弁兵等子孫成立。卽行停止。此

項租息。應作何項公用。再由該官紳等妥議稟請核辦等語。按前五成給無業官勇者。僅言耕種。不言房屋。後二成五則有房屋在內。可見當日弁兵所霸城鄉房產數百所。略見公著文存及大理縣志叛田數千畝。應早收

歸地方。無如多年辦公士紳。祇知蠹公。放棄不理。及公因調查數文書院財產。始於府署查獲岑撫奏案。並札文。曾具有意見書。末云。太和境狹土瘠。爲通省最。邇以新政日繁。擔負日重。倘於地方應得公款。協力同心。亟爲整理。於公家補助得一分。則於人民減一分之擔負。卽以此事論之。其放棄責任。喪失權利。吾不能不爲已往之諸大紳咎。然失今不圖。終歸烏有。吾恐後人之咎吾輩。亦如吾輩之咎前人而無可逃罪者矣。能勿懼哉云云。可以識其苦心矣。三。縣屬區域。在昔本劃爲七。錢糧以七房分收。團練以七團分辦。積穀以七倉分貯。清宣統元年籌辦地方自治。當事者爲鄉區人。並未公同酌議。竟獨斷獨行。將七區作爲四區。祕密通報定案。洎至事後。始共知之。於是居鄉者兩區辦一區之任務。居城者一區有兩區之負擔。公在城自治議長任內。擬將城部區域稍爲增廣。南以五里河爲界。北以白塔邑際登江五里橋村雙鴛村等爲北界。曾於二年二月提交城議事會議決通過。函交縣議事會請其公決。乃該會擱置不理。旋遭兵變。自治亦復取銷。故爾停頓。四。查大理七屬。其他六屬廣袤俱二三百里。獨太和境土最狹。其南至北七十里許。其東西爲蒼洱相夾。如抱弓形。除山水外。中間陸地寬者僅十里許。漸至兩端愈形窄狹。又僅三四里一二里耳。且土脈極薄。生產寥寥。加以考試停罷。巡道移駐。綠防裁減。從前靠此工商兵以爲生計者。一旦頓失舊觀。益以新政日繁。捐稅稠疊。萬不能勝其擔負。嘗獨居深念。以爲欲減人民之